



# Synfocity = 708

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

October 25, 2018

## ❑ Committee peng hrang hrang an thu

Synod Inkhawmpui atana Synod Department hrang hrangte inruahman lawkna Committee chu October 22, 2018 (Thawhtanni) atang khan neih tan a ni.

Oct. 22, 2018 (Thawhtanni) khan Pension Provident Fund Board committee an thu a, Meeting hi Rev. F. Lalrinnunga, Synod Moderator-in a kaihruai a, Meeting-ah hian Secretary report leh Treasurer report te ngaihthlak a nih hnuah Synod inkhawmpuia report tur, Secretary-in a buatsaih te ngaihthlaka sawiho a ni a, Synod Pension and Provident Fund Board Budget 2019 - 2020 ruahmanna pawm a ni bawk.

Oct. 23, 2018 (Thawhlehi) khan PRESCOM Board an thu a. Oct. 24, 2018 (Nilaini) khan Sunday School Committee an thu leh a, Meeting hi Rev. F. Lalrinnunga, Synod Moderator-in a kaihruai a, Secretary hnen atangin report ngaihthlak a ni bawk. Secretary report-a tarlan danin kumin chung hian Bial huap training wawi 28 an nei tawh a, Kohhran malah wawi 33 an nei tawh bawk a, heng training neihpui hian MSSU Office thawktute leh MSSU Trainer te an kalchhuak thin a ni. Kumin chungin lehkhabu - Sunday School Zirlai bu hrang hrang leh a dangte nen bu 18 lai tihchhuah a ni. Kumin chung hian Sunday School hotute, zirtirtute leh zirlai zawng zawng belh khawm hi mi 4,42,027 an ni a, Sunday School chawimawina chi hrang hrang siam tan kum 1967 atanga kumin thlenga chawimawina dawng tawh zawng zawng hi mi 47,301 lai an tling tawh bawk. Kumin hian Khawvel Sunday School Ni-ah Puitling lamin "Billy Graham-a chanchin" Upa Dr. H. Vanlalhluna ziak zir ho tur a ni ang a, Naupang lamah "Ngaihhlut tur dik" Dr. A. Lalchhandami ziak zirho a ni bawk ang. Tuntum meetingah hian MSSU inkhahhruaina enthat chungchang te, NPSS Lesson Plan chungchang te, kum 2019-20 Budget estimate te an thlirho a ni.

Oct. 25 & 26, 2018 hian Mission Board Committee an thu ang a, October 29, 2018 (Thawhtanni)-ah Theological Education Board, October 30, 2018 (Thawhlehi)-ah Hospital Board, October 31, 2018 (Nilaini)-ah Pastoral Committee te an thu leh ang.

## ❑ Presbyterian Women Fellowship Biennial Inkhawmpui

October 26-28, 2018 chung hian Presbyterian Women Fellowship Biennial inkhawmpui chu Mawlyngkhung Presbyterian Biak In (Ri Bhoi Synod), Meghalaya-ah neih a ni dawn a, thupui atan "In thawhrimna chu Lalpaah chuan a thlawn ngai lo" (I Kor.15:58) tih an hmang a, Speaker chu Prof. T. Vanlaltlani, Aizawl Theological College a ni ang.

October 25 (Ningani) khan PWF Inkhawmpui hmang tur Central Kohhran Hmeichhe Committee te leh Palai dang mi 140 te chu Synod Office atangin a huhovin an chhuak a, Silchar-ah riakin a tukah Inkhawmpuina hmun Mawlyngkhung an thleng ang. October 26 (Ningani) zanah Inkhawmpui hawna neih a ni ang a, palai lawmna thu Rev. R.K. Marshing, Executive Secretary, Ri Bhoi Synod-in a sawi ang. October 27 (Inrinni) nilengin rorel a ni ang a, zanah Inkhawmpui thupui Prof. T. Vanlaltlani a sawi ang a, Mizoram Synod atanga palai zaipawl ten hla an rem bawk ang. October 28 (Pathianni) zing dar 7:00 hian Ri Bhoi Synod Moderator Rev. H.L. Mysing-an Lalpa zanriah sakramen a theh ang a, zan dar 6:30-ah Inkhawmpui kharna Closing Service neih a ni ang a, Rev. Lalramliana Pachuau, PCI Moderator-in PWF hruaitu thlan tharte hlanin thuchah a sawi ang.

## ❑ Society for Biblical Studies in India, Biennial Conference

October ni 23 - 25, 2018 chung hian Aizawl Theological College (ATC)-ah Society for Biblical Studies in India, Biennial Conference 2018 neih mek a ni.

Conference hi October 23, 2018 khan tanin inlawmna hun hman a ni a, October 24 & 25, 2018 chungin thupui chi hrang hrang mi thiam hrang hrang ziak zirho a ni. Zanah Cultural programme an hmang ang a, Synod Moderator-in zanriah a buatsaihsak bawk ang.

## ❑ Lay Leaders' Training Wawi 205-na

Synod Multipurpose Training Centre (SMTC) buatsaih Lay Leaders' Training wawi 205-na chu October 23, 2018 zan khan SMTC Lecture Hall-ah hawna inkhawm neih a ni.

Training hawna inkhawmah hi Rev. Vansawma, Programme Director-in kaihruaiin report a pe a, Synod Moderator Rev. F. Lalrinnunga'n training hawna leh thuchah a sawi a, NI. Mawitei Ralte a zai a, Rev. Lalhluma Sailo, Resource Person-in malsawmnain inkhawm a tin a ni.

Training-ah hian Presbytery 7 - Aizawl Bethel, Champhai South, Tuichangral North, Tuivawral, Sakawrhmutuai, Ramlai leh Lunglei West Presbytery atangin Kohhran Upa 36 an tel thei a, Rev. Lalhluma Sailo, Rev. C. Chawngliana leh Rev. Vanlalzuata ten training hi an neihpui ang. Training hi October 27, 2018 zanah kharna hun hman a ni ang a, Rev. P.C. Pachhunga, Executive Secretary in hun a hmanpui ang.

SMTC hnuaiyah hian Kohhran Upa training nei tawh zawng zawng chu 6566 an ni a, Kohhran Upa training-ah hian Kohhran kaihruaina leh chawmna chi hrang hrang zir thin a ni.

Contd...

☐ **Synfo Praise On 2018 Second Round Result**

October 16 – 18, 2018 chung khan Synfo buatsaih Praise On 2018 Round 2-na chu Mission Veng Kohhran Hall-ah tuang taka neih a ni a. A zan khatnaah hian Band 13 an intihsiak a, a zan hnihna hi Kohhran Inkhawm banah tanin band 6 an intihsiak leh a, a zan thumnaah hian band 13 te an intihsiak leh a ni. Intihsiakna hi Hruaina Eng Channel (LPS & Zonet)-ah Live a pekchhuah thin a ni.

Second Round Result hi October 20, 2018 zan dar 9:00 khan Hruaina Eng channel atangin puan a ni a. Second Round-a tling te chu hengtge hi an ni :

Chaltlang Band 1	Electric Vengthlang
Chaltlang South	Khatla East
Chanmari West Hmarveng	Leitan South
Dawrpui	Ramhlun North (White)
Dawrpui Vengthar Band 2	Republic Veng

Round 2 intihsiaknaa tling band 10 (top ten) thlanchhuahte hi November 6-8, 2018 chungin an intihsiak leh ang a, Results puan leh lawmman sem chu November 9, 2018 (Zirtawpni) zana neih tura ruahman a ni.

☐ **Finance**

October 27 & 28, 2018 hian Bairabi Bialah Finance Campaign leh training neih a ni dawn a, hemi neihpui tur hian Upa P.C. Vanlalrova, Synod Office leh Campaigner – Rev. R. Lalengzauva, Rev. K. Lalhmuchhuaka leh Upa Ramtharngaka te an kal a, Pathianni hian Bial chung kohhran hrang hrangah hun an hmang nghal ang.

☐ **Mission Board**

Kumin 2018 January atanga September thla thlenga Field hrang hranga ringthar neih dan report kan dawn chin hetiang hi a ni:

S.No	Field	Total	S.No	Field	Total
1.	Arunachal East	136	11.	Kolkata	843
2.	Arunachal North	132	12.	Lucknow	234
3.	Arunachal West	126	13.	Nepal	84
4.	Assam	79	14.	Odisha	153
5.	Barak	317	15.	Patna	118
6.	Delhi	85	16.	Siliguri	172
7.	Jharkhand	283	17.	Tripura	1159
8.	Karbi Anglong	138	18.	Masihi Sangati	1612
9.	Home Mission North	47		<b>TOTAL</b>	<b>5,770</b>
10.	Home Mission South	52			

September thla chhunga Field hrang hranga ringthar Baptisma chang belhkhawm mi 662 an ni. Synod Mission Board hnuaiah hian Field 17 a awm mek a. Mission Field hi region thum – Central Region, North East Region leh Home Mission-ah te then an ni a, heng bakah hian Field putling lo, hma lakna lian tham zingah Masihi Sangati leh Cambodia te an awm a ni.

☐ **Education**

October 23, 2018 (Thawhlejni) khan Pu P.C. Vanlalhruaia, Supervisor of Schools (PES) chu Sailamah kalin Kohhran Committee, School Management Committee leh School staff leh zirlaite nen inkawmna hun tha tak an nei a ni. Sailamah hian Private English Medium School a awm thin a, Private school neitu hian chhungkua harsatna avangin a tawpsan a. Kohhran leh khawtlang mipui mamawhna a nasat avangin Sailam Presbyterian Kohhran chuan an chhonzawm a, PES anga hawn chhonzawm an rawn dilna chu PES Sub-Committee-in a hmuna kal a enfiah ni se, tia a rel bawhzuia kal a ni. He School-ah hian KG-I atanga Class-VI thleng a awm a, zirlai 80 neiin Zirtirtu 7 an nei mek.

☐ **KTP**

- ♦ October 23, 2018 (Thawhlejni) khan Muallungthu Bialah Leadership training hmanpuiin Dr. Lalrotluanga, Treasurer leh Pu Rorelkima, committee member te an kal.
- ♦ October 24 & 25, 2018 hian Bungthuam Branch KTP Diamond Jubilee hmanpuiin Central Committee member-te - T. Upa Lalrammawia Pachuau leh Pu K. Lalengzama te an kal.
- ♦ October ni 26 & 27, 2018 hian Darlawn Bial Golden Jubilee hmanpuiin Upa Rosangliana, Asst. Leader leh Tv. K. Lalchhanhima, committee member te an kal ang.
- ♦ October ni 27 & 28, 2018 hian New Serchhip Bial KTP Musical Meet hmanpuiin Rev. Dr. K. Lallawmzuala, Leader leh Tv. C. Malsawmtluanga, committee member te an kal ang.
- ♦ October ni 27 & 28, 2018 hian Sihphir Vengthar Bial KTP Musical Meet hmanpuiin T. Upa Lalmuanawma, Finance Secretary leh T. Upa Lalrinmawia Ralte, committee member te an kal ang.

☐ **Synod Relief Fund**

Tun hnaiah harsatna hrang hrang nei – Ramrikawna damlo mi 1 hnenah Rs. 8,000/-, Chhiahthlang Hmarvenga damlo mi 1 hnenah Rs. 8,000/- leh Phullen Vengthar khuua Kangmei tuar hnenah Rs. 10,000/- pek an ni.

- ❑ **Revival**
  - ◆ October 27 & 28, 2018 hmang hian Tlungvel Bialah Kohhran Upa nupui-te Seminar neihpuiin Rev. K. Rolungmuana, Synod Revival Director a kal ang.
  - ◆ Oct. 26 - 28, 2018 chhung hian Operation Nehemia neih leh a ni dawn a, speaker te Group 6-ah inthenin Aizawl khaw chhung leh dai velah te hun an hmang ang.
- ❑ **Campus Ministry**

October 23, 2018 (Thawhlejni) khan Apollo School of Nursing ah hun an hmang a. Director Rev. Lalchungnunga'n hun hmangin, ringtu kan nih angin he khawvelah kan hmaa chhuak tih tur awm apiang mahni tan anga ti lovin Lalpa tan anga ti tur kan nih thu a sawi a, Pathianin he khawvel enkawl tura min dah ang taka thing leh mau leh nungcha te an chi awm dan ang taka an dam khawchhuah theih nan an tan malsawmna nih a pawimawh, a ti bawk.
- ❑ **Prison Ministry**

Prison Ministry hmalakna kal zelah October 24 & 26, 2018 khan Central Jail leh District Jail, Armed Vengah te Counselling class neiin hun an hmang a, October 28 & 29, 2018 hian Champhai District Jail tlawh leh Awareness nei turin Rev. B. Sangthanga, Executive Secretary i/c Prison Ministry, Rev. R. Lalvulluaia, Director Prison Ministry leh committee member – Rev. R. Lalnuntluanga, Rev. Lalsangmuana, Rev. C. Lalramchhana leh Upa C. Lalthianghlina te an kal ang.
- ❑ **Hruaina Eng FM Radio**
  - ◆ **OCTOBER 28, 2018 (FM Zoawi Aizawl & FM Lunglei @ 7:30 p.m.):**  
**Zaipawl :** Tuikual Pastor Bial Zaipawl - Vuina tur reng a awmlo, **Group:** KTP Kanan Branch Female Voice - Lo kir leh rawh, **Thusawi :** Upa K. Vanlalngbaka - Fanau enkawl nu leh pa mawhphurh, **Group :** ATC Male Voice - Pathian thilsiam te, **Solo :** Lalhlumawii - Thisen a thiltihtheihna
- ❑ **Hruaina Eng TV Programme**

**Susamachar Prasaran Programme**

  - ◆ **OCTOBER 28, 2018 (Pathianni) 5:00 pm. :**  
 Group/Choir/Solo : Kristian Centre Zaipawl - Tu Pyar Ka Sagar, Group/Choir/Solo : Bungkawng Vengthar Masihi Sangati - Aatma Ra Deha, Sermon : Mohanlal Tudu - Yishu papiong Ko Bachane, Group/Choir/Solo : Aizawl Venglai - Hardin, Group/Choir/Solo : Durtlang Masihi Sangati - Ayega
  - ◆ **OCTOBER 28, 2018 (Tv Programme) @ 4:00 - 6:00, 8:00 - 9:00 p.m) :**  
 Weekly Round Up, Praise On 2018, Bihchianna : Mizoram Synod Choir
- ❑ **Moderator Programme**

Oct. 27, 2018	Inrinni	Zan	Saikhawmakawn Kohhran	Hlimen Bial
Oct. 28, 2018	Pathianni	Chawhma	Melthum Kohhran	Hlimen Bial
Oct. 28, 2018	Pathianni	Chawhnu	Hlimen Damveng Kohhran	Hlimen Bial
Oct. 28, 2018	Pathianni	Zan	Hlimen Kohhran	Hlimen Bial

### MISSIONARY TRAINING COLLEGE HRIATTIRNA

Missionary Training College (MTC)-ah Bachelor of Missiology (B. Miss) zir duh tan dil theih a ni leh ta. Dilna Form leh Prospectus hi Rs 50/- in office hun chhungi MTC Office atangin lak chhuah theih a ni e.

Dil thei chin : CI-XII pass  
 Dil theih hun chhung : 1<sup>st</sup> November, 2018 - 15<sup>th</sup> February, 2019  
 Written Test : February 26, 2019  
 Interview : February 28, 2019

Principal  
 Missionary Training College  
 Mission Vengthlang  
 Ph. No. 2310157/2301337 9612164982

### HNARUAK DIL THEIH

Mizoram Presbyterian Kohhran Mission Board hnuaiia thawk turin Missionary (Contract) sawmriat leh paruk (86) lak a ni dawn a. Kum 18-35 inkar, ni 1.12.2018-a kum 18 pumhlum tawh, kum 35 la pumhlum si lo tan dil theih a ni. Hna dilna Form hi Dt. 22.10.2018 atangin Synod Office, Reception Counter-ah lak theih a ni ang. Form-ah hian hna diltute hriat tur pawimawh tihlan a ni.

Hlawh : Synod hnuaiia Contract Missionary Rate  
 Dil theih hun chhung : November 21, 2018 (Nilaini) tlai dar 4:00 thleng  
 Screening test/exam : November 23, 2018 (Zirtawpni) 11:00 a.m.  
 Interview : December 1, 2018 (Inrinni) 7:00 a.m.

Sd/-  
 (REV. LALRAMLIANA PACHUAU)  
 Secretary, Synod Service Board